

Pasturellu di san pè

Quand'ellu spunta lu ghjornu
Cù la to musetta à collu
Ne pigli quelli stradelli
Chì longanu lu Cugnolu
Ai per solu cumpagnu
Lu to cane pediolu

I primi raghji di sole
Chì schjariscenu le muntagne
E calanche di San Petru
Induve ci dormenu l'altagne
Faci sente lu to fiscu
Tandu movenu le capre

Quandu lu to fiscu ribomba
Quassù per le calanche
Falantu a fuga serata
Elle chì ùn sò mai stanche
Sanu ch'ai l'allusingu
Sempre piattu in la to manu

Dopu fattu la meranda
Ti faci una sunnata
Nant'à un lettu di filette
Passi una bella stondata
À lu frescu castagninu
Ti faci anc'una cantata

È lu nostru pasturellu
Oghje si n'hè andatu
Soca versu d'altre cunfine
Induv'ellu hè più ripusatu
Quassù ci hè sempre u sole
Hè fiuritu lu so pratu
In 'ssu pratu di virdura

Pasturellu ùn hè più solu
Quessa la sò di siguru
È ghjè cusì ch'eo mi cunsolu
Cù lu so cuginu Luisu
Stanu bè in paradisu...

M. Campana – J-L. Massey © 2015 Cirnese